



Mür da protecziun, sarinera Susch - surdatta lavurs da mantegnimaint

Il mür da protecziun da la sarinera a Susch ha üna grond'importanza in cas dad auazuns. Per garantir la protecziun ston gnir fattas urgiantamaing lavurs da mantegnimaint vi dal mür. Las lavurs sun gnüdas surdattas a la firma Foffa Conrad SA, Zernez.

Sanaziun sarinera Zernez - lavurs d'indschegner etappa 2024-2025 - surdatta da lavur

L'ultim'etappa da las lavurs d'indschegner per la sanaziun da la sarinera Zernez sun gnüdas surdattas a la firma Caprez SA, Zernez.

Sanaziun radon Center Cumünal - surdatta ventilaziun

In seguit a la progettaziun per sanar il radon i'l Center cumünal, Zernez ha la direcziun operativa surdat las lavurs da ventilaziun a la ditta Zöllner GmbH, Lavin.

Aua da baiver - mantegnimaint e sanaziun idrants Susch e Lavin - surdatta

Illas fracziuns da Susch e da Lavin as ha fat avant cuort la controlla dals idrants. Il resultat es stat chi fa dabsögn da reveder plüs idrants. I's tratta da lavurs da mantegnimaint importantas per garantir la retratta d'aua per stüder fös. L'examinaziun es previssa in settember fin october 2024. Las lavurs sun gnüdas surdattas a la firma specialisada VonRoll Hydro AG, Oensingen.

Villa Elsa e Dependence - surdatta fittanza

Davo cha l'anterior fittadin vaiva desdit il contrat da fittanza per gestir la Villa Elsa incl. dependence sü Ova Spin, vaiva il cumün scrit oura la fittanza publicamaing. La suprastanza cumünala ha surdat la fittanza a duonna Ursula Thomas da Zernez.

Forz'electric - definiziun "contribuziun al man public" per l'on 2025

Minch'on ston ils cumüns definir l'import chi vain indemnisà pels drets da passagi/transport d'energia, la „contribuziun al man public“. La suprastanza cumünala ha decis da definir pel 2025 quista contribuziun – sainza müdamaints - per tuot las quatter fracziuns sün 2.5 rps/ukw (1.0 rps + 1.5 rps per Zernez Energia 2020). Quistas tarifas vaglian a partir dals 1. october 2024.

Büro electoral per las votaziuns chantunalas e federalas dals 22 settember 2024

La suprastanza cumünala ha elet il büro electoral per las votaziuns dals 22 settember 2024. Al büro electoral fan part: Domenic Toutsch sco president, Simon Rohner, Armando Roner e Ladina Rodigari sco actuara.

Radunanza cumünala - tractandas provisoricas dals 2 december 2024

La glista da tractandas provisorica da la radunanza cumünala dals 2 december 2024 es gnüda discussa. A quista radunanza vain preschantà principalmaing il preventiv 2025.

Il Cumün da Zernez ha acconsenti ils seguaints permiss da fabrica:

- Parcella no. 0100, Esslinger Marcel, Zernez - restructuraziun chasa e fabricar oura il tablà
- Parcella no. 1231, Höllriegl Thomas e Tatjana, Zernez - chasin da üert
- Parcella no. 2003, Peretti Flurin e Martina, Susch - restructuraziun abitaziun - müdamaint da proget
- Parcella no. 3093, Stoop Rudolf, Lavin - nouva terrassa